


國立故宮博物院珍藏



清代起居注冊

光緒朝

第五十四冊

清代起居注冊

光

國立中央博物院珍藏

表

限
列日期前將書還回



0000027319

第五十四冊

37596

光緒二十一年十月上……二七二六一
光緒二十一年十月下……二七二〇九
光緒二十一年十一月上……二七二八七
光緒二十一年十一月下……二七三四五
光緒二十一年十二月上……二七四六一
光緒二十一年十二月下……二七五六九

光緒二十一年歲次乙未十月初一日戊辰寅刻

上詣

太廟行禮 先期齋戒三日

詣 乾清宮西暖閣少坐至

坤寧宮南床

陞座率王大臣等進肉畢

詣 儀鸞殿

慈禧端佑康頤昭豫莊誠壽恭欽獻崇熙皇太后前請安

奉

皇太后幸頤年殿看戲侍晚膳畢

駕還養心殿內閣奉

諭旨譚鍾麟奏剿辦土匪首要悉數駢誅請將出力

員紳優獎一摺廣東盜風素熾歸善永安長樂吳

川連平韶州等屬州縣土匪嘯聚成群疊經降旨

飭拏迄今未獲本年四五月間匪徒唐觀士等藉
早惑衆四出搶掠經署提督劉邦盛督率兵勇會
同鄉團擒斬首要多名餘匪分股肆擾復經譚鍾麟
飭令提督張春發等分道馳剿先後報獲多名惟
兇暴最甚之龐廟渣尾一犯潛回吳川大洋山糾
黨謀逆官兵往捕外委莫顯勳被戕勢甚猖獗譚
鍾麟復嚴飭署高州鎮潘瀛等會督兵勇圍攻大

洋山匪黨紛紛潰逃八月二十四日在化州地方
將龐癩渣尾拏獲訊明正法其餘各匪首亦經官
軍分道兜拏悉數駢戮地方安謐如常在事出力
員弁均屬著有微勞廣東陸路提督張春發署潮
州鎮總兵記名提督北海鎮總兵王孝祺記名提
督吳次漢均著交部從優議敘署高州鎮總兵記
名提督潘瀛著賞換噶爾薩巴圖魯名號惠州協

副將劉邦盛儘先補用副將莫善喜均著以總兵
記名遇缺請旨簡放劉邦盛並免離任補用都司
水師儘先守備方桂東著以都司儘先補用並賞
加遊擊銜署高州府知府候補知府蕭丙堃著免
補知府以道員仍留原省遇缺即補補用知府廣
東化州知州李光高著在任以知府遇缺即補團
紳候選之縣蔡繼曾著以直隸州知州不論雙單

月遇缺卽選陣亡外委莫顯勳著交部從優議卹
餘著照所議辦理該部知道又奉

諭旨譚鍾麟奏遵查劣紳虧短公項經收賑款延不
算清請革職審辦一摺在籍候選道劉學詢著即
行革職歸案審辦

是日

起居注官宗室綿文張英麟

初二日己巳卯刻

上詣坤寧宮

神杆前行禮至南床

陞座進肉畢

駕還養心殿內閣奉

諭旨御史敬祐奏內務府廣儲司庫官勾結舞弊任
意侵冒請飭查辦等語內廷帑項關係要需豈容

該庫官等句串書吏庫賑等狼狽為奸浮挪侵蝕著
派麟書許應騃按照所叅各節認真查辦據實具奏

又奉

諭旨廣東巡撫馬丕瑤由進士即用知縣洊擢府道
簡任封圻宣力有年克勤厥職茲聞溘逝軫惜殊
深加恩著照巡撫例賜卹任內一切處分悉予開
復應得卹典該衙門察例具奏又奉

諭旨本日補行引見之新進士張榕蔭著交吏部掣
籤分發省分以知縣即用

是日

起居注官準良
明崔鴻機

初三日庚午

上詣儀鸞殿

慈禧端佑康頤昭豫莊誠壽恭欽獻崇熙皇太后前請安

辰刻

御紫光閣閱武進士馬步射畢

駕還養心殿內閣奉

諭旨李秉衡奏山東差委主事請改外任以資吏治

等語吏部主事盧昌詒著以直隸州知州留於山東補用該部知道

是日

起居注官宗室崇寬馮文蔚

初四日辛未辰刻

上御景運門外箭亭閱武進士弓刀石

是日兵部將武進士帶領引

見

上御乾清宮

親定甲乙並分別營衛各員內閣奉

諭旨楊昌濬著開缺回籍陝甘總督著陶模署理饒

應祺著署理甘肅新疆巡撫又奉

諭旨廣東巡撫著成允署理又奉

諭旨朕本日殿試中式武舉弓刀石內刀力不符之
河南常鳴春廣西王辰山江西李鶴林均著罰停
殿試一科所有原圖監射較射之大臣著交部議
處覆試之王大臣著交部察議又奉

諭旨御前大臣奏侍衛因病呈請開去差使據情代

奏一摺希朗阿著准其開去御前侍衛差使